

溫江縣志

卷之五
35
7 1/2



嘉慶乙亥年鑄

溫江縣志

板藏縣署

溫江縣志序

嘉慶戊辰余奉檄蒞溫江周覽四境見夫山川風土燦然可觀戶口繁滋人文蔚起敬惟

國家休養生息數百年所以涵濡之者至優極渥今承乏斯土非得前事以爲師無以識從違之道亟取舊志尋覽之篇章錯雜且多缺佚不存蓋自前令馮公編定後邑志之不修迄今且數十年矣邑之士君子于庭而任以採訪之事咸欣然既彙而錄之會

溫江縣志

卷首

序

大府請于

朝續修全省通志檄下府州縣各輯序

卽所旣哀集者而上之矣夫通志之修者一郡邑縣志之修則專言一隅義例旣殊體裁各異通志尙乎簡縣志貴乎詳况溫邑之志於數十年來忠孝節義之事缺焉無聞修之尤不可不亟亟也政事之暇手爲編輯慎之又慎規模粗備若夫宏覽博物文采煥然使豐編照耀歷久而彌彰是有待于後之君子焉

嘉慶十九年歲次甲戌孟秋月上澣錢塘李紹祖
撰

溫江縣志

卷首

序

二

舊志序

今

天子御極之二十有五年適我

大中丞姚公撫蜀之明年也政通人和文教聿興
乃奉

天子命重修蜀志令各郡邑詳加采集繕寫成書藉手
以獻

當宁

瑚

備員溫邑遂得躬逢

盛典甚懼不克勝任以廢茲重大事也爰進邑之紳耆

溫江縣志

卷

序

三

而謀之曰一邑之志即一邑之史也地土之瘠沃
民俗之貞淫與夫吏事之煩簡風化之淳漓莫不
寓於斯焉是以天官星野城郭宮室山川社稷禮
樂兵農戶口錢穀賢良節義忠孝俠烈以及風雨
露雷之時禽鳥花木之瑞詩章藻繪之詞無不詳
且盡也瑚以三韓異地之人作宰是邑於茲三年
雖風俗人情亦頗灼知而管窺測天聞見有限不
若諸君生長斯土得諸舊史之遺編與父老之傳
聞者為周且至幸勿吝言於是紳耆等揖而前曰

溫邑古屬萬春舊有魚鳧城在焉縣治始末可按籍而稽邑有異蹟遺制猶在縣多名士故里依然文殊之聽琴仙女之售書每每膾炙人口至今覽其地者猶有飄飄凌雲之概至若任公之顯宦梁丞之赫濯溫邑之科第累累不絕是以生齒漸繁戶口頻增而忠孝之士節烈之女往往出自田間蓋其風俗之淳人情之厚有以鍾之使然也無何運丁陽九殺戮頻仍遂至城郭邱墟人民遺子錦繡版圖等於燕巢林木賴我

溫江縣志

卷

序

四

朝定鼎加意元元歲發金錢數十萬協濟群黎吾蜀餘民始得安堵迄今起視天下凋敝悉已起生齒日已繁制度漸已備賦役漸已復惟吾蜀尙蒿目生齒尙未登制度尙草昧賦役尙荒落大中丞姚公思所以安定而綏輯之約法數章與民更始吾蜀之得瞻雲日而慶再生者卽志書之可記者也至於縣邑舊蹟殘編可稽卽蜀名賢遺老可問吐哺握髮不憚勤勞修成一書俾督憲希公閱邊政成繪圖入告以見我

大中丞姚公之同心乃職也溫志之修豈無因哉
瑚爲之歡欣鼓舞延諸紳耆周咨博訪計日而成
厥志志成例書數語以弁其端雖質直無華詞簡
少文而地土之瘠沃民情之貞淫吏事之煩簡風
化之淳漓與夫天官星野城郭宮室山川社稷禮
樂兵農戶口錢穀賢良節義忠孝俠烈以及風岡
露雷之時禽鳥花木之瑞詩章藻績之詞罔敢蠢
魚妄蝕焉亦庶幾盡厥職以畢乃事云爾文之工
拙不暇計及

溫江縣志

卷

序

五

大清康熙二十五年歲在丙寅孟冬望日四川成都府
溫江縣知縣三韓王瑚敬序

備考小引

且事之有湮沒而無傳者士君子方且芻搜博採
筆之於書以備後之查考矧其事有可紀如溫志
一書而甘聽其遺缺乎是志也緣

大中丞姚公奉

命撫蜀重修全省志書而溫志因以成焉董其事者時
郡守佟公邑宰王公諱瑚也余庚寅量移斯土公
餘之暇披閱邑志山川城郭地丁戶畝以及古蹟
宮觀前賢往哲非不紀載可觀獨自康熙二十五

溫江縣志

卷

引

六

年以後繼王氏而來任茲土諸同人姓氏俱缺焉
無聞并儒學捕署暨諸士之鄉舉歲薦節婦各姓
氏亦并未列於志余因是有重修之志奈簿書勞
瘁兼工費維艱有志而未卽舉行迄今蒞溫九載
仍然無力重修且吏治日久筆墨亦疎不特無重
修之力而并無纂修之筆今僅將繼王氏宰茲邑
諸同人姓氏籍貫并儒學捕署暨鄉舉歲薦節婦
各姓名筆之於左以備後之查考庶不致湮沒無
傳是則余之鄙念也至於纂修刪定體式雅觀垂

千秋不朽之績則端有望於後之君子是爲引
大清康熙五十八年歲在己亥孟夏望穀旦

四川成都府溫江縣知縣加一級紀錄五次楚黃
魯應才撰

溫江縣志

卷

引

七

舊志序

甲子之春恭膺

簡命來任茲土甫下車卽披閱舊志見其殘缺失次慨然者久之旣聞諸鄰邑皆重修縣志而我溫邑獨闇然無色卽思有以補輯之但初蒞民社百務待理夙夜經營不遑及此今幸藏拙數載欲酬前願乃於退食餘暇延邑中紳士旁搜博採親爲編輯閱年餘告竣爲書四卷目二十四修書成復質高明再加考正因付之棗梨以垂後世是舉也不過

溫江縣志

卷

序

八

因名核實考古證今前之所垂雖小必錄後之所補無善不增是故語總圖則周圍雉堞而中外形勝藻績之繽紛也語沿革則名號變易而古今稱謂原委之詳明也論天文則井躔鬼絡於以昭分野之星精論疆域則申畫郊圻於以正守土之境界考建置則諸端畢舉而綱紀不至淪亡考古蹟則舊傳未湮而父老猶能記憶稽祀典則明禋不缺而俎豆爲之馨香稽學校則舊規重新而文教爲之振起繼此而山川則猶是玉壘名區少山而

多水繼此而風俗則依然湔江古趣革薄而從忠
若夫土產則地利之所出素號豐饒至若賦役則
閭閻之所輸自有定制其餘陵墓則前賢往哲馬
鬣猶存其餘寺觀則梵宇琳宮古刹具在於職官
而見顯宦之昭垂於人物而見鍾靈之秀美至節
孝則冰操霜節女史之彤管揚芬至藝文則繡口
錦心文人之鴻裁炳蔚水利則大堰小堰一肩
而如繪灾祥則天事人事一寓目而做心凡此者
苟有裨於治化烏可任其沈淪春華與秋實竝採

溫江縣志

卷

九

牛溲與馬渤齊登已傳者無或棄後續者靡不增
庶幾披帙而觀一邑之源流洞悉按圖以考萬春
之事實加新聊以據今而傳後敢曰觀止而集成
謹序

大清乾隆十六年歲次辛未春月吉旦知成都府溫江
縣事燕山馮中存題

序

凡一事之成雖成於成之日必有所由起人之成
一事雖成於成之人必有所由倡事與人須人與
事會莫不有數焉而或貪其功以爲己力妄矣溫
志之成起於

大府纂省志倡於前任修邑志寥寥百餘帙經數
年閱數人迺克蕝事豈亦有數存其間乎前任李
公蒞溫久治績爛然以雷波之捷晉司馬刺史秩
適丁內艱張府叅軍代辦縣事余于甲戌秋八月

溫江縣志

卷

序

朔奉檄來權邑篆得移交志稿二冊視六十年前
馮公所輯舊本因損筆削義例體裁較臻完善殆
垂成焉未及梓也時邑諸紳士董厥事議取其稿
增之飾之校訂之剗刪之又數月哀然成集爰紀
其始籌欸者則徐武舉文煥屈例貢溥劉千總大
鵬毛生有儀張生大名鄭生朝棟廖生成志龍生
均輔張生拱華鄢生澤超黃生鵬何生致忠也任
採訪者則葛孝廉岷白孝廉含章田孝廉杰顧孝
廉謚李孝廉凌漢鄢孝廉夢崑徐選拔文賁王副

車運隆周副車鵬翀楊副車鑑車副車酉毛副車
含暉梁明經起祥陳明經其蘊徐明經鴻德胡明
府紹虞竹廩貢秉直何生遇超也繼以載筆之事
屬徐選拔車副車卒其業至收支經費磨勘監梓
則惟李孝廉胡明府竹廩貢何生克終其事莫貫
其勞余履任未及朞知事未甚熟短劉向校書才
醜陳壽索米事不忍掠前任與諸君子之功爲己
力第喜邑之士風茂美民氣恬熙士林炳蔚足以
備

盛世輜軒之採而樂觀厥成也昔嘉慶廿年歲次乙亥
夏至月山右牛書田序

序

夫志者記也積記其事也周禮小史掌邦國之志志之名所由起迨其後生齒日益繁記載日益博志之一書詳且備矣我

國家運際昌明右文希古編輯省志府州志縣志以備採擇其間人文之足錄風俗之可登以及忠孝節義之可歌可頌者莫不燦然大備猗歟休哉何治之隆歟乙亥夏六月余宰溫江周覽土風淳美戶口繁滋縣屬萬春地分三甲入參星之一度環

溫江縣志

卷首

序

一

流水以雙江魚鳧形勝蹟制昭然也時邑志重輯成書先經前令李述軒司馬牛芸圃明府爲之倡邑之紳士集其成茲又請序於余余展閱之見夫人文之足錄風俗之可登以及忠孝節義之可歌可頌者規制精詳有條不紊雲蒸霞蔚卓然可觀益以昭

聖天子敦本崇文之至意焉爰爲之序以備

翰軒之採云爾

嘉慶廿年七月旣望知溫江縣事平湖沈學詩撰

凡例

一 邑志草創於前令王君瑚魯君應才再修於馮君中存迄今六十五年矣茲值奉 文續修依據體例復叅採訪務期簡該備成一邑典故

一 全省志事蹟繁冗與邑志不同故寧從簡是編於省志格式則遵之詳畧不免互異至舊本中有缺加補有畧加詳誤則釐正曲盡詳明不遺餘力

一 作志例每門類之前必用小序仿周官史制緣起之義此省志則然邑志不能條條切實遂成濫觴

凡例

觸目生厭茲將舊本刪去殊爲得體

一 省志例山川原列一門邑有水無山茲因魚鳧古墳有大墓山之名取列以備一類

一 列女分原志新增已請旌表未請旌表現在已卒貞烈各樣名色取開卷瞭然之意

一 文職省志式原列選舉科年之下茲摘出仍照科年另編作文職一門義取與武職對且較省志式易於醒目不妨少變

一 選舉及文武職職官 本朝俱詳籍貫唐宋迄有

明或存年代姓名官名旁註無查失考字樣
一鄉鎮寺觀津梁不分大小今古俱以東西南北別
之易於查考

一邑始名於唐周秦漢晉及前五代事典志中無有
故人物一門唐迄宋元明寥寥數人而已茲取邑
中孝友行誼不必定求完人者表而出之以廣人
物以勵鄉隣一一長必錄之意也

一物產頗用詳註典贍遵省志式且備參考

一江水發源於岷山蜀地有江無河而蜀俗凡水皆

凡例

二

稱河不可不正是編於舊志稱河者俱改作江

一入景舊志詩太着相淺俚不必載入

一是編敘事一概簡便毫不搬衍經史懼貽鬪靡夸
多之誚

一是編從案牘餘閒與同官暨紳耆粗加訂正精確
未知瑕垢難免千秋不朽之績端俟博雅

沈學詩識

纂修姓氏

總裁

特授溫江縣知縣加五級候補直隸州正堂李紹祖

述軒浙江錢塘人

代辦溫江縣知縣加三級候補陞縣正堂張景槐

浙江錢塘人

署溫江縣知縣加三級即用縣正堂牛書田

芸圃山西定襄進士

特授溫江縣知縣加三級沈學詩

浙江平湖人順天大興廩貢生

纂修

己酉科邑拔貢署甘肅階州州判徐文賁

十樵

庚午科邑副車車西

雙嵐

姓氏

一

叅訂

特授溫江縣儒學教諭加三級孫超然

字劍州舉人

特授溫江縣儒學訓導加三級胡文瓘

字青神歲貢

叅閱

特授溫江縣典史加三級陳徐

咏臺浙江海寧庠生

督梓

特授溫江縣駐防李繩武

成都人

採訪

戊午科邑舉人葛岷

顯山

庚申科邑舉人李凌漢仙槎

甲子科邑舉人白舍章

甲子科邑舉人顧諲審由

丁卯科邑舉人田杰

癸酉科邑舉人鄢慶崐雙溪

乙卯科邑副車王運隆相之

庚申科邑副車楊鑑

辛酉科邑副車周鵬翀海南

丁卯科邑副車毛舍暉

姓氏  二

邑明經陳其蘊

邑明明經梁起祥

邑明明經徐鴻德

分校

邑廩貢生竹秉直凌霄

邑增廣生何遇超景陽

籌款

甲午科邑武舉徐文煥

邑例貢生屈溥

邑 例 千 總 劉大鵬

邑 庠 生 毛有儀

邑 庠 生 張大名

邑 庠 生 廖成志

邑 人 鄆 縣 學 附 生 鄆澤超

邑 庠 生 黃鵬

邑 庠 生 何致忠

邑 監 生 鄭朝棟

邑 監 生 張拱華

邑 監 生 龍均輔

典局

庚 申 科 邑 舉 人 李凌漢

邑 援 例 知 縣 胡紹虞

邑 廩 貢 生 竹秉直

邑 增 廣 生 何遇超

邑 膳錄

邑 庠 生 吳體謙

邑 庠 生 王敬之

姓氏 三